

նիս բանից երկուց կէտէն, ընդդէմ է հրամանի նորին զմի կողմն պաշտպանել եւ զմի կողմն առաթուր կոխել. այլ ըստ հրովարտակին՝ արդարութեամբ կատարել զգործն. երկիր 'ի քէն, գուցէ արտասահմանեսցիս՝ ի մետազս, և Յոյնք ոչ կարեն փրկել զքեզ։ Բարկացեալ Դատաւորին ընդ խիստ բանս նորա, հարցանէր սրտմտութեամբ ցՀայս. զի՞նչ ունիք անտ այլ եւս 'ի կատարել. և նոքա ցուցին զմի պատկեր Պատանատեղւոյն յափշտակեալ 'ի Յունաց, զչորեսին կանթեզս 'ի չըջապատս Գերեզմանին և յայլ տեղիս, և ըզպատկերան. լի եղև սրտմտութեամբ և գոյն երեսաց իւրոց չըջեցան, և խոփուեալ գոչէր 'ի վերայ Հայոց, և նովին բարկութեամբ ել և գնաց 'ի տաճարէ անտի. մեկնեցան և այլքն զինի նորա, և փակեցաւ դուռն։

Չօքան Հայք առանձին առ Դատաւորն և աղաչէին զնա կատարել զգործն, զնոյն առնէին և գործակալք Տէրութեանն, այլ բնաւ չառնոյր յանձն, յուսացեալ 'ի մեծամեծ խոստմունս Յունաց, ոչ կաշառօք, այլ օրինօք ասէր՝ կատարել զգործն, թէպէտեւ Հայք յառաջ բերէին զվճարումն գործոյն դատաստանաւ առաջի գիտնականաց օրինօք և հրամանաւ Արքայի, այլ նա յամուեալ 'ի բանս իւր ասէր, գիտեմ՝ զօրինականս կուտանդինուպօլսոյ, զի տգէտ են. անտի և ընդունայն գրեալ են մի իւրամ, և Արքայն սակս պատրելոյ զձեզ տուեալ է (Խաթթի Շէրիֆ), սակայն ես այր ընթերցող եմ և հմուտ՝ դատաստու պալատականաց, աներկիւզ յամենայնի, և վասն սոցին իրաց տաց պատասխանի առաջի Արքայի, և այլ սոյնպիսի բանք։ Ոստիկան կուսակալին յանկարծ ձայն եհան 'ի քաղաքին, որպէս թէ Բգեչլսն խնդրեալ է զինքն 'ի Դամասկոսէ, գնալ եւ անդրէն դառնալ, և Հայք թախանձանօք խնդրեալ էին 'ի նմանէ լինիլ միջնորդ առ կուսակալն և առ Քեահեայ նորին, սակս խնդրոյ Բեթղեհէմի և գերեզմանին Սուրբ Աստուածածնի. գրեցին նաեւ գիր աղաչանաց առ Քեահեայ Պէյն և առ գանձապետ նորին Կիւչիւք Յարութլուն Հայազգի, որ 'ի սոյն ամի եկեալ էր յերուսաղէմ յուխտ, և վերահասու լեալ գործոյն, և խոստացեալ էր ըստ կարելիութեան լինել ձեռնառու, և մեկնեցաւ Ոստիկանն իւրովքն հանդերձ յերուսաղէմէ ('ի 6 Յունիսի)։